

TAU BASKONIA. Ivanovicen pibotak jaun eta jabe izan ziren bigarren laurdenetik

Liderraren gabeziak agerian utziz, Tau ikuskizuna ekarri du berriz Zurbaora

Hirugarren laurdenean, defentsa apur bat gogortuz, 34-19ko partziala lortu zuen Baskoniak

TAU BASKONIA	112	URAL GREAT	84
Tau Baskonia: Bennett (12), Timinskas (10), Nocioni (11), Oberto (12), Tomasevic (23) —hasierako bostekoa—, Scola (28), Corchiani (6) eta Vidal (10).			
Tau Baskonia: Karasev (19), Bowie (13), Avleev (19), Daineko (13), Mikhailov (10) —hasierako bostekoa—, Panov (5), Bashminov (3), Pedraitis (-), Pegushin Sheiko (2) eta Shushakov (-).			
Partzialak: 21-24; 29-20; 35-19; 27-21.			
Arbitroak: Pitsilkas (Grezia), Lamonica (Italia) eta Mouzakis (Grezia).			

Jon Rejado | **GASTEIZ**

Liderra mendeen hartu zuen Tau Baskoniak, arazo handirik gabe. Azken partidetan erakutsitako jarrera aldaketan beste pauso bat eman zuen Ivanovicek entrenatutako taldeak, eta edozein talderekin lehiazeko

moduan dagoela nabarmendu zuen, kanpoko jokoak hobera egin ez duen arren. Euroligako sailkapenean gora jarraitzen du Baskonia eta, horrela jarraitzen badu, lehen tokiraino hel daiteke.

Mikhailovek ezarri zituen partida hasieran bi taldeen arteko aldeak. Errusiako pibota saskipeaz jabetu zen, baina minutu gutxi iraun zuen horrek. Ural Greatek D Multzoko buruan zergatik dagoen erakutsi zuen hasierako bi laurdenean, erasoan erraztasun handiarekin jokatu. Bitxia bada ere, Tau Baskoniak zein errusiarrek defentsan oinarritu ohi dute beren lana, baina lehen erdian hori ez zen gelditu agerian. Erraz jokatu zuten bi taldeek erasoan, Ural Greatek toki guztietatik saskiratuz eta Ivanovicenek saskipetik.

Hirugarren laurdenean etorri zen Gasteizko taldearen iraultza: defentsa, kontraerasoa eta tentsioa erabili zituen eta partzial beldurgarria lortu, 35-19, eta, bide batez, partida apurtu zuen. Defentsaren gogortasuna lapurtutako baloietan gelditu zen agerian. Pase-lerroak bikain zaindu zituzten Ivanovicen jokalariek, eta, horren ondorioz, lapurtutako baloien bidez, kontraeraso zitalak bihurtu zituen Elmer Bennettek. Ural Greateko jokalariek ez zioten aurre egin egoerari, eta aldea hogeit puntura heldu zenean partida bertan behera utzi zuten.

Hortik aurrera ahalik eta alderik handiena lortzeko jokatu zuen Tauk, eta orduan ere ez zuen galdu jarrera. Aurretik esan bezala, atzoko jarrerari eutsiz gero, Ivanovicen taldeak zeresan handia emango du aurtengo denboraldian.

IDI PROBAK

Errosario, Arientza, Basoarte, Burgo eta Telleria XVII. BBK Sarian

Koldo Alduntzin | **DONOSTIA**

Euskal Herrian diharduten sei idi pare edo uztarririk onenek egun handia dute gaur, Laukizen (Bizkaia). Izan ere, Euskal Herriko hainbat txapelketatan urtean jardun duten uztarririk erregularrenek XVII. BBK Sariko finala jokatu dute.

Sei idi pare lehiatuko dira: Bizkaiko Birle-Mungiako Erroxario eta Basoarte, Elorrioko Arientza eta Arientza Elkartea eta Berriatuko Burgo eta Gipuzkoako Lasarteko Telleria. Bi saiotan ariko dira, 17:00etan eta 22:00etan. Saio bakoitzean hiru uztarri ariko dira, eta zozketaz (10:00etan) erabakiko dute zeinek jardungo duen.

Astelehenean erabaki zen sei uztarriko zerrenda, oraindik biren izenak falta baitziren. Hain justu, Azkoitiko sanandresetako probak izan ziren azkenak, eta haietan Itziaroko Erlete nagusitu zen. Orain 19 egun, berriz, El Corte Ingles Bizkaiko finala Arientzak eraman zuen.

ERRUGBIA

Montauban hartuko du larunbatean Miarritzek

Koldo Alduntzin | **DONOSTIA**

Heldu den larunbatean Ligako lehen itzuliko azken partida jokatu du Miarritzek, orain arteko ibilbide paregabea biribiltzeko erronkarekin. Montauban mendeen hartuz gero, partida guztiak irabazita amaituko du lehen itzulia. Dena den, galduta ere, lehen postuari eutsiko dio Miarritzek.

Atzo egin entrenaldian Montaubanen jokalaria biziki borrokalaria direla ikusi ahal izan zuten bideoan. Matiu eta Marc Lievermont jokatzeko prest dira jada, baina Puleoto eta Curnier min hartuta dira. Azken horrek bi hilabete beharko ditu gutxienez belaunetako lotailuak osatzeko.




DAVID AGUILAR / EFE

Ural Great taldeko jokalaria Anthony Bowie, baloiarekin, aurrean Timinskas duela.

OSTIELA! ALDIZKARIAREN 24. ALEA DURANGON!



"Ez don/k amaitu" ez-ohizko produkzioa! *Aparteko ale atenporala:*
* AGUSTIN XAHOREn "AITORREN LEGENDA" lehenbizikoz euskaraz! (Andoni Eskisabel itzultzaile).
* HUGO PRATTen "CORTO MALTESE Irlandan", Jon Aranoren eskutik.
* TXEMA GARZIA-BIANAREN, e.a.-en 6 IPUIN LIZUNKOI
* I:SHED MUSIKA TALDEAREN "IT'S MY HOUSE" CDa



Merke-merke, 1.000 pezeta/ 6 eurotan salgai E.H. osoko liburutegia eta kioskoetan. Urteko harpidetza (4 ale) 1.600 pzta (ale "atzeratuak" erdi-prezioan). Eska ezazu Ordiziako 131 p.k.-ra edo deitu (edo idatzi) 943-161835 tfno./faxera. ostiela@autovia.com www.ostiela.com (berritua)

SAN NIKOLAS IKASTOLAREN

BATZAR NAGUSI ARRUNTA
Abenduaren 11an (asteartea), 19:30etan bigarren deialdian

GAI ZERRENDIA

- 2001/8/31ko Balantzea eta 2000/9/1-2001/8/31 epealdiko esplotazio kontuaren onarpena. Auditoria informea.
- 2001/9/1-2002/8/31 epealdiko Aurrekontuaren onarpena.
- Kooperatibako sarrera kuotaren onarpena.
- Artezkiritza Kontseiluko partaideen berriztapena.
- Ibilaldia 2002: informazioa.
- Plan Estrategikoa: komunikazioa (Ikastolaren helburuak epe labur eta ertainean, kudeaketa lidoak etab...).
- Zuzendaritzaren gestio informea.
- Galde erreguak.

LEHENDAKARIAK